

АКАФИСТ ПРЕСВЯТОЙ БОГОРОДИЦЕ В ЧЕСТЬ ИКОНЫ ЕЯ «ЖИВОНОСНЫЙ ИСТОЧНИК»

Празднование совершается в пятницу Светлой седмицы.

Кондак 1

Избранной от всех родов Божией Матери и Царице, милостиво внемлющей молитвам болящих, и от вечных источников токи целебныя изливающей страждущим благодарственное приносим пение. Ты же, всемилостивая Целительнице, приклонися благоутробно гласом наш хвалебным и от всяких недугов душевных и телесных свободи нас, зовущих:

Радуйся, живоносный источнике, вся наша болезни исцеляющая.

Икос 1

Ангели святии благоговейно Тебе служат и небожителие немолчными гласы Тя ублажают, Богородице Дево, яко Родительницу Царя Христа Бога. Мы же грешнии, подражати им дерзающе, молимся Ти: сподоби нас непрестанно Тебе возносить благодарения за премногую милость Твою ко всему роду христианскому. Аще и недоумеает всяк язык восхвалити Тя по достоянию, но, ведущие благодать Твою, и мы, недостойнии служителие Твои, дерзновенно отверзем уста наша, и наполнятся духа, и достойное отрыгнем похвальное слово, Царице Божией Матери зовуще таковая:

Радуйся, благословенная в женах Богоблагодатная; радуйся, Всевышняго Бога Мати, Духа Святаго пребывание. Радуйся, дара Божия благодати источнике преизобильный; радуйся, чудес реко присносущная Радуйся, источнике радости непрестанная; радуйся, источнике милости неизсякаемая. Радуйся, молитвы всех христиан приемлющая; радуйся, и самых отчаянных грешников моления не отвергающая. Радуйся, обидимых заступнице; радуйся, печальных утешительнице. Радуйся, бедствующих помощнице; радуйся, заблуждающих наставнице.

Радуйся, живоносный источнике, вся наша болезни исцеляющая.

Кондак 2

Видящи, премилосердая Мати Божия, земное скорбное житие наше, немощи и болезни, благоизволила еси проявляти милости Твоя к нам, исцеляющи души и телеса страждущих; обаче и мы с

радостью несказанною припадаем к Тебе, Владычице, и из глубины души благодарим Тя, нашу дивную целительницу, воспевающе Богу: Аллилуиа.

Икос 2

Разум человеческий воистинну превзошла есть любовь Твоя ко всем недужным, егда милостиво призрела еси на страждущаго слепца, томившагося в лесной чащи и повелела еси царю Льву почерпнути воды от живоноснаго источника Твоего и утолити жажду слепаго, да вси, ведуще Твое сострадание к страждущим, песненно Тебе вопиют:

Радуйся, скорбь нашу в радость претворяющая; радуйся, оставленных врачами на Своей всемогущей руке приемлющая. Радуйся, милосердая всех нас о Христе Мати; радуйся, презренных и отверженных от погибели избавляющая. Радуйся, сердца злых человек умягчающая; радуйся, от клеветы и досаждения и иных бед спасающая.

Радуйся, живоносный источниче, вся наша болезни исцеляющая.

Кондак 3.

Сила благодати Божией осеняет всех, с верою и благоговением прибегающих к Твоему, пречистая Госпоже Богородице, предстательству; темже и мы к Тебе, всемилостивейшая покровительнице наша, приходим и умильно зовем: научи нас прославляти всечестное и всехвальное имя Твое и достойно воспевати Богу: Аллилуиа.

Икос 3

Имуще к роду христианскому Матернее милосердие, всем с верою и упованием прибегающим к Тебе подавши руку помощи, Владычице: болящим исцеление, страждущим ослабу, слепым прозрение, расслабленным укрепление, скорбящим утешение, и всем коегождо потребу подавши. О Божия Мати, со умилением к Тебе припадаем и богатыя Твоя милости ожидающе, усердно тако вопием:

Радуйся, радости наша, Еюже слезы от очей отъемлются наших; радуйся, нечаянную радость верным дарующая, Радуйся, яко Тобою наша благая желания исполняются; радуйся, яко много может молитва Твоя пред Сыном Твоим и Богом. Радуйся, благословение домов и семейств благочестивых; радуйся, отрадо наша и дивное о нас попечение.

Радуйся, живоносный источниче, вся наша болезни исцеляющая.

Кондак 4

Бурею многих бед одержимым нам помогавши, Владычице, ибо всегда пред Господним престолом стоиши и, воздвигши руке Свой, молишися, яко да нашу недостойную молитву примет Господь, Царь славы, и исполнит прошения призывающих имя Твое святое, зовущих Сыну Твоему: Аллилуиа.

Икос 4

Слыша царь Лев глас Твой божественный, Пресвятая Владычице, повелевающий помазати очи слепому водою источника и сотвори, якоже глас Твой повеле, и абие прозрев слепец, позна Тя сострадательницу быти всем немощствующим, с верою просящим у Тебе помощи и в болезнях исцеление, и созда тамо у Твоего источника храм имени святому Твоему, да вей, получивше Твою милость, непрестанно благодарственно славят Тя, Богородице, тако:

Радуйся, благодатный источниче, источаяй нам неоскудную милости; радуйся, избавляющая нас от бед. Радуйся, ненадежных надеждо; радуйся, скорбящих отрадо. Радуйся, Мати Бога Вышняго; радуйся, яко за всех Ты молиши Сына Твоего, Христа Бога нашего. Радуйся, всех скорбящих и болезнующих утешительнице; радуйся, всех немощей телесных и душевных исцелительнице.

Радуйся, живоносный источниче, вся наша болезни исцеляющая.

Кондак 5

Благодатная врачевания Ты изобильно подаеши всем немощствующим, сего ради Тебе, божественной целительнице, на освященных Тобою водных источниках храми создаются, Пресвятая Дево, да вси вернии доvolmente наслаждаются знаменьями Твоея милости, еяже не лиши и нас, смиренных чад Твоих, по долгу воспевающих и вопиющих чудес творцу Богу: Аллилуиа.

Икос 5

Видим животворный источник, Владычице, яко воистинну вторую Силоамскую купель, в нейже вся болезни наша исцеляются и не токмо единою в лето и первым входящим здравие тела подавши, но всегда всякий недуг и всяку язву душевную и телесную врачуеши с верою и любовью к Тебе прибегающих, сего ради вопием Ти:

Радуйся, неусыпная наша предстательнице пред Богом; радуйся, яко свеща неугасимая, в молитвах за нас у престола Господня присно горящая. Радуйся, Мати милосердия и щедрот; радуйся, во время безпомощия нашего, егда бедствуем и не имамы помогающего, на помощь нам ускоряющая. Радуйся, в день

отчаяния нашего от обдержажших нас недугов и скорбей матерински утешающая; радуйся, от растлевающих душу и тело соблазнов сохраняющая. Радуйся, от внезапных смерти избавляющая; радуйся, при кончине нашей причастия Святых Тайн сподобляющая.

Радуйся, живоносный источнике, вся наша болезни исцеляющая.

Кондак 6

Проповедует Церковь Христова чудеса Твоя, Богородице, яко песка морского и звезд небесных множае суть; от востока бо и до запада хвалимо имя Твое чудесы, и несть града или страны, идеже не совершися Тобою действие силы Божия во избавление и спасение, просвещение и исцеление людей христианских. Наипаче же обykle еси чудотворити чрез водное естество; священным призыванием Твоего Святаго имене обильно изливаеши струю милости на всех страждущих; даруй убо всем с верою причащающимся или кропящимся святою водою совершенное исцеление, да славословим Тя и Сыну Твоему Христу Спасителю зовем: Аллилуиа

Икос 6

Возсияла еси в животворном источнике Твоем, Пресвятая Владычице, токи благодатных исцелений всем страждущим от различных недугов, и в нашей стране светиши светом чудес и милостей; притекающий бо к Тебе и скорбей избавление, и недугов исцеление, и радости всякия исполнение приемлют; о Госпоже Царице и Владычице, Ты всегда воздвизаеши руке Свои на умоление пред Сыном Твоим и Богом, услыши и ныне нас, усердно вопиющих к Тебе таковая:

Радуйся, животворная воды источнике неистощимый; радуйся, бане, омывающая греховную скверну. Радуйся, скорбей наших утешение; радуйся, печалей наших утешение. Радуйся, болезней наших врачевание; радуйся, от всяких бед наших избавление. Радуйся, живоносный источнике, вся наша болезни исцеляющая.

Кондак 7:

Хотящи всем показати любовь Твою велию к страждущим людям, Богородице преблагая, благоизволила еси в водном естестве проявити Твою целительную силу и даровала еси животворную благодать водному источнику в чащи лесной во исцеление слепаго, и научила и нас имя Твое святое пред сею водою призывать, верующе и дерзновенно уповающе, яко и ныне воде сей милостивно даруеши ту же благодатную силу и исцеляеши ею всех нас страждущих, да благодарственно во веки о Тебе вопиют людие Богу: Аллилуиа.

Икос 7

Дивная показал еси дела Твоя в пречистой Матери, Господи, и дивными чудесы преизобилующий даровал еси нам Ея источник, да, в водных струях его изобильно черплюще благодатная врачевания, вси немощнии Твои люди верою сердечною и от души любовью прославляют небесную целительницу, Всесвятую Матерь Твою, и зовут таковая:

Радуйся, алавастре врачевания, на всякий недуг врачевство содержащая; радуйся, милосердная целительнице всех немощей душевных и телесных. Радуйся, узы греховныя кающихся грешников разрешающая; радуйся, о всем мире усердная предстательнице. Радуйся, скорбящих матерей тихое веселие; радуйся, вечною радостью нас одевающая. Радуйся, вдовиц заступление; радуйся, беспомощных сирот благосердное призрение. Радуйся, детям, неудобь учащимся, разум дающая; радуйся, юности охранительнице.

Радуйся, живоносный источнике, вся наша болезни исцеляющая.

Кондак 8

Странно есть видети, яко водный Твой источник, Владычице, чудотворное действие являет и всякия болезни исцеляет всем; темже, познающе силу Божию по Твоему милостивному предстательству, прославляюще Господа Бога, с верою и умилением поем Ему: Аллилуиа.

Икос 8

Все земное житие наше zde болезненно есть и слезно от клеветы, досаждения, укорины и иных многих бед и напастей; немощствует бо тело, изнемогает и дух наш. К Тебе убо прибегаем, Богомати, пред Твоим пречистым образом припадающе, молимся: исполни радостью сердца наша, да вопием Ти:

Радуйся, Царице неба и земли; радуйся, с Сыном Твоим и Богом вечно царствующая и Ему же о нас моления приносящая. Радуйся, всех к Тебе прибегающих милостию Твоею покрывающая; радуйся, всех радости, печали наша утоляющая. Радуйся, неправедно гонимых и обидимых заступнице; радуйся, гонящих и обидящих праведная отмстительнице. Радуйся, милостивная, нас добре милующая; радуйся, отчаянных на путь истины направляющая и к Богу возводящая.

Радуйся, живоносный источнике, вся наша болезни исцеляющая.

Кондак 9

Всякая житейская в мире сем сладость печали бывает причастна: слава прменяется, богатство безследно преходит, здравие и красота телесная увядают, друзи и искреннии отъемлются; о Милосердная, услади и наша скорби, подаючи нам истинную радость, вопиющим к Богу: Аллилуиа.

Икос 9

Витийствуяй язык не может изрещи велию славу Твою, Богородице, еуже Ты прославилася еси в дивных делех Твоего милосердия к роду христианскому; о Мати Божия, Мати всеблагая, милосердию Твоему несть конца и величие Твое кто исповесть? Да будет же всесвятое имя Твое во век преблагословенно и да будет с Тобою слава, достойная величия святейшаго имене Твоего, от нас же недостойных приими архангельский глас:

Радуйся, Благодатная, яко Господь с Тобою; радуйся, благословенная в женах. Радуйся, обретшая благодать у Бога; радуйся, освященная Духом Святым. Радуйся, осененная силою Всевышняго Бога; радуйся, богоизбранная Отроковице, Приснодево. Радуйся, Невесто невестная; радуйся, верная раба Господня. Радуйся, яко Тя ублажают вси народи земнии; радуйся, Родительнице небеснаго Врача.

Радуйся, живоносный источниче, вся наша болезни исцеляющая.

Кондак 10

Спасти хотящи многая от находящих зол, скорбей и болезней, даровала еси нам целительную благодать в воде, освященной призыванием имене Твоего святаго, темже мнози скорое получают исцеление: слепии прозревают, хромии ходят, расслабленнии возстают, беснующиися исцеляются, земли плодоносие подается, людие от смертносных язвы, внезапных смерти и насильственнаго убийства избавляются, гради, веси и домы от огня и молнии спасаются. О Пресвятая Мати Божия, кто не ублажит Тя, кто не воспоеет Твоя славная чудеса? Темже и мы, прославляюще Бога, дающаго нам таковыя милости по Твоему предстательству, величающе Тя, вопием Ему: Аллилуиа.

Икос 10

Стена еси неборимая и источник милостей и чудес, всеблагая Владычице Богородице, всем к Твоему покрову прибегающим, темже молим Тя, заступи и спаси с любовию к Тебе зывающих таковая:

Радуйся, яко Ты еси молитвенница наша к Богу усердная; радуйся, яко Матерняя Твоя молитва много может, Владыку Христа умилоствляющи. Радуйся, предающихся унынию и скорби в надежде утверждающая; радуйся, нашедшия на нас облак греховных страстей скоро разгоняющая. Радуйся, славящих Тя прославляющая; радуйся, отвергающих Тя посрамляющая и, яко прах, от земли их развевающая. Радуйся, скорбных родителей в лишении чад их утешающая благодатною Твоею помощию; радуйся, целительнице наша в страданиях телесных и благая, утешительнице в печалех наших душевных.

Радуйся, живоносный источниче, вся наша болезни исцеляющая.

Кондак 11

Пение всеумиленное приими от нас, Небесная Царице, и молитву, приносимую Тебе, Дево Богородице, услыши. К Тебе бо в напастех и скорбех прибегаем и пред Тобою в бедах наших слезы проливаем и молимся: уврачуй наша болезни и утоли печали всех вопиющих о Тебе Богу: Аллилуиа.

Икос 11

Светоподательная свеща, возжженная Духом Святым для озарения сущих во тьме греха и юдоли плача, Ты еси, Пресвятая Дево; светлыми бо лучами чудес Твоих просвещавши всех нас, помраченных греховною мглою, и приводиши к немолчному славословию Твоего пресвятаго имени, сего ради вопием Ти тако:

Радуйся, в посте и молитве и богомыслии всегда нам спребывающая; радуйся, в час недоумения мысль благую на сердце полагающая. Радуйся, Мати Света истиннаго; радуйся, солнце правды, нас облистующее. Радуйся, наставнице непорочнаго девства; радуйся, хранительнице ревнующих о чистоте. Радуйся, дев величание; радуйся, нищих питательнице и нагих одеяние.

Радуйся, живоносный источниче, вся наша болезни исцеляющая.

Кондак 12

Благодати Твоя живоносный источник имуще, Пресвятая Дево, к Тебе прибегаем, яко нерушимей стене и предстательству. Призри благосердием, Пресвятая Богородице, на лютое наше озлобление и исцели душ и телес наших скорби и болезни, да зовем Тебе: Аллилуиа.

Икос 12

Поюще неизреченное Матернее Твое милосердие к страждущим, хвалим Тя, яко живоносный источник благодатных врачеваний, яко неистоощимую реку чудес, яко бездну милости и щедрот и все упование по Бозе возлагаем на Тя и в сей, и в будущей жизни и, прославляюще Тя, вопием:

Радуйся, христиан непостыдное упование; радуйся, верная споручнице о нас пред Богом. Радуйся, ненадежных надеяние; радуйся, истинное спасение малодушных и отчаянных. Радуйся, утешительнице во всякой скорби; радуйся, из глубины погибели спасающая. Радуйся, отрадо в день смерти; радуйся, единая надеждо и по смерти.

Радуйся, живоносный источнике, вся наша болезни исцеляющая.

Кондак 13

О всепетая Мати, Небесная Царице и Владычице, Дево Богородице, рождающая нам Христа, Сына Божия, изволившаго, нашего ради спасения, снйти на землю и воплотиться от Духа Свята и от Тебе, Пресвятыя Девы, и вочеловечиться; услыши наша усердныя молитвы и всех здесь предстоящих, со слезами и воздыханьми молящихся, помилуй. Даруй нам всем по коегождо прошению помощи, да никтоже от нас отыдет от Твоего божественнаго лика тощ и не услышан, но вси, получивше Твоя милости, благодарственно о Тебе вопием нашему Богу: Аллилуиа.

Сей кондак читается трижды, затем 1-й икос и 1-й кондак.

Молитва

О Пресвятая Дево, Мати Господа нашего Иисуса Христа! Ты еси Мати и покровительница всех к Тебе прибегающих, призри с благосердием на молитвы грешных и смиренных чад Твоих. Ты, именуемая Живоносный Источник благодатных врачеваний, исцели болезни страждущих и умоли Сына Твоего, Господа нашего Иисуса Христа, да низпослет и всем притекающим к Тебе здравие душевное и телесное и, простив нам вольная и невольная согрешения наша, дарует нам вся яже к вечней и временней жизни потребная. Ты еси всех скорбящих радость, услыши нас, скорбных; Ты еси утление печали, утоли и нашу печаль; Ты еси взыскание погибших, не попусти и нам погибнути в бездне грехов наших, но всегда избавляй нас от всяких скорбей и напастей и всякаго злаго обстояния. Ей, Царице наша преблагая, надежде наша несокрушимая и заступнице неборимая, не отврати лица Твоего от нас за множество

прегрешений наших, но простри нам руке Матерняго милосердия Твоего и сотвори с нами знамение милости Твоея во благо: яви нам помощь Твою и благопоспеси во всяком деле благом. От всякаго же начинания греховнаго и помышления лукаваго отврати нас, да всегда славим пречестное имя Твое, величающе Бога Отца и Сына Единороднаго Господа Иисуса Христа и Животворящаго Святаго Духа со всеми святыми во веки веков. Аминь.